

**नई खोज अगवाई
करबाळा अर गेल
चालबाळा कअ बीच म
फरक करअ ह**



महतारी

जनवरी सूं मार्च-2021



सगळ्या न अंतरास्टीय महिला दन की घणी-घणी बधाई

अंतरास्टीय महिला दन वयुं मनावै है?

अंतरास्टीय महिला दन हर साल 8 मार्च न मनायो जावै है। अंतरास्टीय महिला दन एक मजदूरी कै खिलाप आन्दोलन हो। जखो आन्दोलन लगातार च्यार दन ताणी चाल्यो हो। जखा नै अमेरिका हर साल मनाबा की मंजूरी दी ही। बिकी सुरुआत सन 1908 म ई ही। जणा 15 हजार लुगाईयां न काम का घण्टा कम करबो, बडिया तनखा अर बोट देबा की मांग कै सागै आन्दोलन करी ही।

बिकै एक साल पाछै अमेरिका की सोसलिस्ट पार्टी न पैल्यी बार अंतरास्टीय महिला दन मनाबा की सुरुआत करी। पण ई दन न अंतरास्टीय बणाबा को सुझाव “क्लारा जेटकिन” नांव की लुगाई का डिमाक म आयो हो। ई पार्टी म 17 देसां की 100 लुगायां मोजुद ही। सगळी लुगाईयां न बिको सुझाव बडिया लाग्यो अर बे सगळी बिका सुझाव न मानी ही। बिकै पाछै सबसूं पैल्यी अंतरास्टीय महिला दन पैली बार 8 मार्च-1911 म आस्टेलिया, डेनमार्क, जर्मनी, स्विजरलैंड म मनाया हा। बिकै पाछै 8 मार्च-2021 सूं सगळी दनियां म 110 वों अंतरास्टीय महिला दन मनायो गयो। ई आन्दोलन म लुगाईयां कै सागै भेद-भाव होर्यो है, बिनै रोकबा कै ताणी जागरूता न बडाबा को परचार बी कर्यो जावै है।

अंतरास्टीय महिला दन का खास तीन रंग बी है। बैंगणी, हर्यो अर धोळो है। बैंगणी रंग न्याय अर गरिमा को सूचक हैछ। हर्यो रंग उम्मीद को परतीक है अर धोळो रंग ईमानदारी को परतीक है।

अंतरास्टीय गराक दन वयुं मनावै है?

15 मार्च न विस्व गराक दन मनायो जावै है। ई दन बाजार म होबाळी जमाखोरी, काळाबजारी, सामगरी म मिलावट, सामगरी का जादा पीसा लेबो, बिना नाप-तोला सामान बेचबो, नाप-तोला म ठगी करबो, गांरटी दिया पाछै समान कोनी बदलबो, गराकां कै सागै होबाळा सगळा अपराधां न कम करबा कले 15 मार्च न अंतरास्टीय गराक दन का रूप म मनावै है। बिको मतलब या बी है गराक का अधिकार अर जरूरतां का बारा म जाणकारी देबो। अंतरास्टीय गराक दन पैल्यी बार 15 मार्च 1962 म अमेरिका को रास्टपती “जोन एफ कैनडी” न सुरुआत करी ही अर कांगरेस



सरकार न एक संदेस भेजी जखा में गराक का मुद्दा क खिलाप लड़ाई लड़बा क्ले हा। अय्यां करबाळा व पैल्या नेता बणग्या। भारत न सन 1966 म पैल्यी बार 15 मारच न अंतरास्टीय गराक दन मनाबा की सुरुआत ई ही। ई दन को यो मतलब है कि, गराक न सम्मान मिलबो, बिकी इज्जत हेबो, सामाजिक अन्याय अर बाजार की मंहगाई क खिलाप लड़ाई लड़ी जावै, गराक का अधिकारा न मजबूत बणावै अर गराक न मिलावट करबाळा क खिलाप जागरूक करै। बी दन सूं लेर आज ताणी सगळा अंतरास्टीय गराक दन मनायो जायों है।

रास्तान का गराकां क्ले सरकार टोल फरी नम्बर 18002330046 दी है। गराक आ नम्बरां प बिकी सगळी सिकायत अर किसी बी जाणकारी ले सकै है।

गराकां की सगळी सिकायतां वले फोन करो

(गराकां का मामला विभाग सूं आयोजित, भारत सरकार)

टोल फरी नम्बर 1800-11-4000 टोल नम्बर 011-23708391 (5 लाइण)

(सामान्य कोल प पीसा लागैला) संदेस भेजबा का नम्बर 8130009809 (24 घण्टा)

www.nationalconsumerhelpline.in बाहरी वेबसाइट ज्ये एक नई विंडो म खुलै है” या रास्टीय गराकां की सायता, गराक अध्ययन केंदर, भारतीय लोक परसासन संस्तान आईपी एस्टेट, रिंग रोड, नई दिल्ली 110002

धमाल

म्हाजन छुट्टी दे

एहे...म्हाजन छुट्टी दे म्हारी गोरी रो परवानो आयो रे म्हाजन छुट्टी दे [टेर]

एहे...सीधसिरी म लिख्या ओळमा घर की गोरी म्हारी रे

कागद बांचो बेगा आज्यो फागण आयो रे म्हाजन छुट्टी दे [1] टेर

एहे...खाता री खतियावण करले जमा खरच कर रोकड़ म

कारगी तो धूग पर म्हे आया रहस्यां रे म्हाजन छुट्टी दे [2] टेर

एहे...छ सो रिपिया नगदी रै देदे खातै म खतियालै रे

दो म्हीना रो खरचो देद्यों देवास देदे रे म्हाजन छुट्टी दे [3] टेर

एहे...गोहाटी सूं टिकट कटा म्हे रावतसर नै ज्यास्यां रे

उठती नै जाय कै गोरी सै मिलस्या रे म्हाजन छुट्टी दे [4] टेर

एहे...कागदिया लिख भेजूं ढोला मोड़ो बेगो आज्यो रे

अरै होळी कै दिन च्यार पेल्यां आया रहस्यां ए म्हाजन छुट्टी दे [5] टेर।

कहाणी

बूडो पारधी गंडक

एक पारधी घणा गंडक पाळ राख्या हा। पारधी गंडकडा नै सिकार पकड़र ल्याबा की आछी-खासी सीख दे राखी ही। पारधी कनै एक बुडो गंडक बी हो, जखो कई सालां ताणी आपगै धणी क्ले सिकार पकड़र ल्याबा को कार कर्या करतो हो। बुढापै की मार सगळा नै पडै है। बो पारधी गंडक बी बुडो होग्यो हो। बिमै अत्तो जोर कोनी हो। फेरबी बो आपगै धणी कै सागै सिकार पै जातो अर सिकार पकड़बा क्ले आपगो पूरो जोर लगातो। पाधरी एक दिन सिकार पै गयो हो। बिका गंडक हिरण कै बचिया नै पकड़बा क्ले भाग्या। बाकी गंडक तो गेल होग्या, पण बुडो गंडक जी ज्यान सूं भाज्यो अर जंय्या-तंय्या बो हिरण कै बचियै नै पकड़ लियो अर बिकै पीठ पै आपगा दांत गडो दिया, पण बिका दांत टूटग्या अर बचियो पकड़ सूं भाजग्यो। पारधी देख्यो कै बो गंडक हिरण नै छोड दियो है तो बिनै बुडै गंडक पै झाळ आयी। बो बुडै गंडक नै मारबा क्ले आपगो चाबुक ठायो। बुडो गंडक आपगै धणी कानी टेडी निजरा सूं देख्यो। धणी बिकी बात सुणली। मानो बुडो गंडक खैर्यो होवै कि मन बुडै नै मत मारो। मेरो मन अर मेरी मनस्या अब बी ठाडी है, जुवान है, पण मेरो डील बुडो अर माड़ो होग्यो है, जिसूं मै सिकार कोनी पकड़ पायो। मेरै पुराणै, जुवानी का दिना नै आद करो जद मै के हो... अर अपणै खुद कै बुढापै कै बारै म तो क्यूं सोचो... पारधी गंडक नै गळै सूं लगा लियो, बिकै सिर पै हात फेर्यो अर खैयो कोई बात कोनी सेरू अबकै पकड़ लेई।

सीख: - मिनख को डील माड़ो होज्या है पण मनस्या कोनी होवै है।

नजरियो
एक
छोटी सी
चीज ह
जखो
बडो
फरक
कर
देवअ हा

ठिकाणो

निरमाण सोसायटी

नोलगड, झुंझनू, राजस्तान, पिन कोड - 333042

मो.9587593455, 9660663776

Email- rajasthanlanguages@nirmaan.org.in

Web- www.nirmaan.org.in